

## Ибн Ақийл ва Ибн Жавзийларнинг вақтни сақлашдаги намуналари



15:03 / 08.11.2020 2128

Бу зотлар вақтдан унумли фойдаланиш ҳамда унинг нафосати ва қиймати ниҳоятда қимматли эканини англаш, ўтаётган дамларни хайрли амаллар билан тўлдириш, ҳар ону лаҳзаларда таълиф этиш, тафаккур қилиш, эслаш ва эслатиш билан машғул бўлиш мақомида юксак намуна бўлганлар. Ушбулар нафақат Ҳанбалий мазҳабининг улуғ фақиҳларидан, балки мусулмон уламоларининг улуғларидан бўлган икки буюк имомнинг сийратлари ҳақида келган васфлардир. Улар қуйидаги улуғ зотлардир:

1. Ҳофиз Хатиб Бағдодийнинг шогирди имом Абул Вафо ибн Ақийл Ҳанбалий раҳматуллоҳи алайҳ.
2. Абул Вафо ибн Ақийлнинг шогирди имом Абул Фараж ибн Жавзий раҳматуллоҳи алайҳ.

Шу ўринда ҳар бирларининг сийратлари ҳақида келган сатрларни ҳожат қолдирмайдиган даражада келтиришга ҳаракат қилинди:

### **Ибн Ақийл Одам болаларининг энг закийларидан бири**

Имом Абул Вафо ибн Ақийл Ҳанбалий Алий ибн Ақийл Бағдодийнинг тўлиқ таржимаи ҳолини Ҳофиз ибн Ражаб Ҳанбалий «Зайлу тобақотил Ҳанобила» китобидан келтирган.

Хулоса шуки, Ибн Ақийл ҳижрий 431 йилда таваллуд топган. 513 йилда вафот этган. У оламдаги энг фозил кишилардан ва одам болаларининг закийларидан биридир. У ўта закий ва илм доираси кенг зот бўлган.

**«Уламолар наздида вақтнинг қадри» китобидан**